

**ՔԱՂԱՔԱՅԻՆ ԱՌԵՒՏՈՒՐԸ ԳԻՒՄՐԻ
ՔԱՂԱՔՈՒՄ՝
ԱՒԱՆԴՈՅԹ ԵՒ ԱՐԴԻԱԿԱՆՈՒԹԻՒՆ**

ԽՈՐԷՆ ԳՐԻԳՈՐԵԱՆ
XORENBASK86@GMAIL.COM

ԱՌԱՋԱՐԱՆ

Հետազոտության հիմնական նպատակն է Հայաստանի Հանրապետության երկրորդ մեծագույն քաղաքի քաղաքային առևտրի մշակոյթի դիտարկմամբ հասնել համեմատական վերլուծության՝ Երեան քաղաքի հետ: Հետազոտության գլխավոր կետերն էին.-

- Դիտարկել առևտրականի կերպարը Գիւմրիում.
- Փորձել քաղաքային առևտրի մեջ դիտարկել սուպերմարկետային եւ բազարային² առևտուրը.
- Տալ քաղաքային միջավայրում առևտրատեղերի ու շուկաների տեղաբաշխումն ունեցող եւ առևտրագոյների առաջացման պատճառները:

Յօդուածի առաջին հատուածում ներկայացուելու է քաղաքային առևտրի վերաբերեալ գրականութեան տեսութիւնը, որը թոյլ կը տայ պատկերացնել թէ ինչպիսի տեսութիւններն են հանդիսանում հիմնական բնարկման թեման:

Երկրորդ հատուածում Գիւմրու ասանդական՝ ԺԸ.-ԺԹ. դարերի նիւթի հիման վրայ, փորձելու ենք ներկայացնել ժամանակակից Գիւմրու առևտրականների գործունէութիւնն ու շուկան:

ԱՌԵՒՏՐԻ ՀԵՏԱԶՕՏՈՒԹԵԱՆ ՏԵՍՈՒԹԻՒՆՆԵՐԸ

Հասարակութեան առևտրականացման եւ ընդհանրապէս հասարակագիտական գիտաճիւղում առևտրի, շուկայի եւ տնտեսական փոխարաբերութիւնների վերաբերեալ հետաքրքիր ուսումնասիրութիւններով հանդես է եկել գերմանացի ընկերաբան եւ մարդաբան Մաքս Վեբերը իր «Տնտեսութիւն եւ Հասարակութիւն» աշխատութեան մէջ: Վեբերը փորձելով դասակարգել քաղաքային մշակոյթի առանձնայատկութիւնները՝ դրանցում կարեւոր դեր է տալիս քաղաքային հրապարակի եւ շուկայական յարաբերութիւններին: Ըստ Վեբերի, քաղաքային հրապարակն ու շուկայական յարաբերութիւնները թոյլ են տալիս մրցակցութեան եւ փոխարաբերութիւնների առաւել լայն շերտի պատճառով առաջ բերել զարգացում, որն էլ սկսել է անջատում մտցնել գիւղական եւ քաղաքային բնակավայրերի միջեւ³:

Իսկ գերմանացի տնտեսական մարդաբան Հայգօ Շրադերը

ընդհանրապես յատուկ ենթակառույցների առանձնացմանն է դեմ՝ գտնելով, որ ինչպես մշակութային մարդաբանության՝ յատկապես բրիտանական գործառնական (ֆունկցիոնալիստների) դպրոցի այնպես էլ ընդհանուր ընկալմամբ ժամանակակից հասարակությունը դեռես չի տարբերում ենթահամակարգերի, ինչպիսիք են՝ տնտեսագէտներ, իրաւաբաններ, կրօնի, քաղաքական են., որոնք քիչ թէ շատ անկախ են միմեանցից - իւրաքանչիւր ընկերաբանական գործողութիւն այդ ենթախմբերի վրայ ազդում է համաչափ: Սրանով հանդերձ, ամէն մի գործողութիւն ինչքան տնտեսագիտութեան ուսումնասիրութեան նիւթ է, նոյնչափ մարդաբանութեան գործը⁴:

Ֆրանսիացի ազգագրագէտ եւ ընկերաբան Մարսել Մոսը նկարագրում է շարժիչ գործողութիւնը որպէս ընդհանուր ընկերաբանական երեւոյթ, միեւնոյն ժամանակ՝ տնտեսական, քաղաքական, կրօնական են., եւ այս տեսակէտը կանոնակարգելով ու աւանդոյթներում դրսեւորում է փորձնական դաշտային ուսումնասիրութիւնների շնորհիւ: Հետագօտել հասարակութեանը, նշանակում է, փորձել նկարագրել դրա ընկերաբանական, քաղաքական, տնտեսական, կրօնական եւ այլ համակարգերը որպէս ամբողջութիւն, քանի որ սրանք անբաժան են միմեանցից⁵:

Փաստօրէն, վերոնշեալ տեսաբանական քննութիւնն ու դրան յաջորդող գրականութեան տեսութիւնը թոյլ են տալիս դիտարկել հասարակութեան առեւտրականացման մոդէլը՝ տեղային դաշտային նիւթի վրայ: Համեմատական այս անդրադարձը մենք չենք կտրի ինչպէս յետխորհրդային այլ հանրապետութիւնների այնպէս էլ յետխորհրդային համակարգից դուրս որոշ քննութիւններից:

ԱՌԵԻՏՈՒՐՆ ՈՒ ԱՌԵԻՏՐԱԿԱՆ ԱՄԱՆԴԱԿԱՆ ԳԻՒՄՐՈՒՄ

Աւանդական շրջանի Ալեքսանդրապոլի քաղաքային մշակոյթի վերաբերեալ հետաքրքիր դիտարկումներով է հանդէս գալիս ազգագրագէտ Գրիգոր Աղանեանը⁶: Ըստ նրա, Գիւմրի-Ալեքսանդրապոլի քաղաքային արհեստների եւ առեւտրի զարգացման կարեւոր խթանիչ է հանդիսացել ներկայումս Թուրքիայի տարածքում գտնուող հայկական Կարս, Կարին, Վան են. քաղաքների արհեստաւորների եւ առեւտրականների՝ դէպի Ալեքսանդրապոլ-Գիւմրի տեղաշարժը⁷: Տուեալ արհեստաւոր-առեւտրականութեան տեղաշարժը դէպի Ալեքսանդրապոլ կապուած էր քաղաքական մի շարք իրադարձութիւնների հետ: Արդարեւ, ռուս-թուրքական, ռուս-պարսկական պատերազմները խթանեցին որ ներկայիս ՀՀ հիւսիսային դարպաս համարուող Գիւմրին (որը նաեւ կարեւոր յենակէտ էր Ռուսաստանի համար) արագ զարգացում ապրի:

Վերոնշեալից բացի Գիմրի-Ալեքսանդրապոլի արհեստաւոր-առետրականութեան հետազօտական մեծ հնարաւորութեան նիւթ են հանդիսանում ԺԹ. դարավերջ-Ի. դարասկիզբ Կովկասում եւ Անդրկովկասում առետրական գործունեութիւնը, շուկան, առետրականին եւ գնորդին, վաճառականին որպէս մեծատունի ներկայացնելու լուսանկարիչ Դիմիտրի Երմակովի կատարած լուսանկարները: Հայոց Ազգագրութեան Թանգարանի⁸ «Փ» ֆոնդի գիտաօժանդակ նիւթերում լուսանկարների մեծ հաւաքածուով է աչքի ընկնում հենց Երմակովի լուսանկարների հաւաքածուն: Երմակովի այս հաւաքածուն առաջին հերթին հանդէս է գալիս որպէս ժամանակի առետրի եւ շուկայի, վաճառականի եւ սպառողի կերպարների նկարագրման եւ ուսումնասիրման հիմնալի նիւթ, իսկ որպէս թանգարանային հաւաքածու այն կարող է ցուցադրել որպէս տուեալ ժամանակի խանութ, առետրականի կենցաղ ներկայացնող միջոց. թէ՛ որպէս հիմնական եւ թէ՛ որպէս գիտաօժանդակ նիւթ:

Տուեալ ժամանակաշրջանի համար առետրի եւ առետրականութեան վերաբերեալ տուեալները հիմնականում հետեւեալ բնութագիրն ունեն, ըստ Գիմրիի ժողովրդական ճարտարապետութեան, քաղաքային կենցաղի եւ ազգային ճարտարապետութեան Ձիթողցոյց տուն-թանգարանի տեղեկատուութեան:

Ալեքսանդրապոլում առետրականներն ըստ իրենց կատարած դերի, բաժանուած էին 4 կարգի.-

I- բազազներ-կտորի առետրով զբաղուողները, որոնց թիւն հասնում էր 300 (290 հազ. տարեկան շրջանառութիւն).

II- արթարներ արդուզարդի առետրով զբաղուողները, որոնց թիւն հասնում էր 150 (55 հազ. տարեկան շրջանառութիւն).

III - ալաֆներ - մրգերի եւ գիւղատնտեսական մթերքների առետրականներ, որոնց թիւը հասնում էր 120 (25 հազ. տարեկան շրջանառութիւն).

IV- դուքանչիներ, որոնք զբաղում էին մանրածախ եւ խմիչքի առետրով, որոնց թիւը հասնում էր 100(60 հազ. տարեկան շրջանառութիւն).

Առետրականների ընդհանուր թիւը կազմում էր 670 մարդ, որոնց տարեկան շրջանառութիւնը կազմում էր 430 հազ. ռուբլի:

Առետրի աշխուժացման ազդակները բաւականին շատ էին՝ դրանցից էին ռուս-պարսկական երկրորդ պատերազմից (1826-1828) յետոյ հաստատուած երկարատեւ խաղաղութիւնը, մաքսային համակարգի կիրառումը, ճանապարհաշինութիւնը:

Սրան գումարում էր եւ Օսմանեան Թուրքիայի տարանցիկ առետրի կարետր կէտ լինելը: Ալեքսանդրապոլ էին ներմուծում կտորեղէնի

զանազան տեսակներ, մրգեր, գինի, օղի: Արտահանում էր ցորեն, կաշի, բուրդ, ծնառ են.:

Առետրի կազմակերպման բնագաւառում նորութիւնն այն էր, որ 1850ականներից կազմակերպւում էր ամէնամեայ տօնավաճառ, որը տեւում էր երկու շաբաթ:

Քաղաքում կային ամէնօրեայ շուկաներ՝ «Ղափան-ղանթաթ», որը տեղացիներն անուանել են «Չարսու», եւ «Մալիմէլդան»՝ անասունների շուկայ:

Առետրի կազմակերպման գործում իրենց զգալի դերը խաղացին քարաւանատները: Սրանք ունէին իրենց ախոռները, հիւրասենեակները, խանութները, պահեստները են.:

Քարաւանատներ էին Մոլլա-ալլունը, Կարմիր խանը, Բաբանենց խանը, Սաաթչոնց խանը, Սիլաջոնց խանը: Կային նաեւ 100ից անելի խանութներ:

ՔԱՂԱՔԱՅԻՆ ԱՌԵՒՏՈՒՐՆ ՈՒ ՇՈՒԿԱՆ ԺԱՄԱՆԱԿԱԿԻՑ ԳԻՒՄՐԻՈՒՄ

Ժամանակակից Գիւմրու քաղաքային առետրին հանդիպում ենք հենց միջքաղաքային ատօկայանից սկսած, որը գտնւում է Գիւմրի քաղաքի հարաւ-արեւելքում: Ատօկայանի դիմաց՝ ծախ եւ աջ կողմերում հերթականութեամբ դասատրուած են խանութները, որոնք մեծածախ առետրի նշանակութիւն ունեն: Սա պայմանատրուած է նրանով, որ հանդիսանալով շրջակայ բնակավայրերի կենտրոն, ինչպէս նաեւ Երեւանից ապրանքի բերման հիմնական նշանակման կէտ, այս խանութները եկամուտը առաւել մեծացնելու համար՝ փորձել են տեղաբաշխուել հենց քաղաքային ատօկայանի մօտ:

Հետաքրքիր է, որ ընդհանրապէս Խորհրդային քաղաքաշինութեան մշակոյթում շուկաներն ու բազարները տեղակայում էին ատօկայանների մօտ, քանի որ քաղաքները շրջանային կենտրոնների դեր էին կատարում եւ շրջակայ գիւղական միջավայրերը արբանեակներ էին տուեալ շրջանային կենտրոնի համար:

Գիւմրու ատօկայանին մօտ խանութները ունեն հետեւեալ նկարագրութիւնը.-

Մէկ կամ երկու յարկանի քարի շինութիւններ են, որոնց դռներից սկսուած ցուցադրութեամբ շարուած են հիմնական վաճառքի ապրանքները: Ատօկայանին առաւել մօտ խանութները հիմնականում տնտեսական բնոյթ ունեն. վառարաններ, ալիւր, փայտէ իրեր, կենցաղային տեխնիկա, բանջարա-պարտէզային մշակման գործիքներ են.:

Այս ցուցադրուող ապրանքները, իհարկե ենթադրել են տալիս, որ շրջակայ գիտական բնակավայրերի համար առաել պահանջում ապրանքները հենց սրանք են: Եթե համեմատենք ՀՀ միա մարզային կենտրոնների եւ այլ քաղաքային բնակավայրերի հետ, ապա նկատելի է, որ այս քաղաքներում եւ կարելի է հանդիպել նոյն երեւոյթին, երբ շուկայ-բազարը ընդգրկող տարածքը ապրանքների ցուցադրուող տաղաարներն հեռու են ընկած եւ քիչ-քիչ ընդլայնում է ստանում այդ տաղաարների ընդարձակումը: Որպէս այդպիսի համեմատական կարելի է նշել Իջեան քաղաքի քաղաքային շուկան, որը շուկայի տարածքից արդէն շատ է հեռացել: Իջեան քաղաքի պարագայում սա կապում է նաեւ մէկ այլ հանգամանքի հետ⁹:

Գիւմրի քաղաքի քաղաքային շուկայի ձեւաւորման խնդրով, նշենք որ ատօկայանից մինչեւ խորհրդային շրջանի քաղաքաշինութեան ընթացքում ձեւաւորում շուկայ՝ մօտ մէկ կիլօմետր է: Սա մի ուղու վրայ է եւ մինչ շուկայ հասնելը կարելի է տեսնել բացօթեայ, շուրջ 30-40 խանութներ, որոնք փողոցի մայրերի վրայ են դասաւորում: Սրանք հիմնականում վրանային կառուցումն ունեն, սակայն հանդիպում են նաեւ դեռեա Սպիտակի երկրաշարժի տարիներին որպէս օգնութիւն ստացած տնակները, որոնք յետագայում շէնքերի կառուցումից յետոյ վերածուել են խանութների, մանր արհեստաւորների արհեստանոցների, վարսաւորանոցների, պահեստների: Բուն շուկան, որը մի ամբողջ համալիր է, պայմանականօրէն բաժանենք միջանի մասերի, որոնք ունեն իրենց առանձին անուանումները, որից ելնելով էլ ամէն շուկայի առանձին մասի ընկալում տարբեր է:

Գիւմրիի ժամանակակից քաղաքային շուկայի (Վարի շուկայ, Ներքեւի շուկայ) պայմանականօրէն բաժանման ենթարկում հատումներն են.-

- Բազար
- Անգար
- Տօնավաճառ Լիաննա
- Լաշինի Միջանցք

Բազարը դեռեա խորհրդային քաղաքաշինութեան արդիւնքն է, որը որոշակի փուլումների է ենթարկուել: Այստեղ երեք երկկողմ շարքով տաղաարներ են շարում մինչեւ 15մ երկարութեամբ ծգուելով: Բազարի մօտքի մօտ կենդանիների՝ հիմնականում թռչունների, վաճառք է իրականացում: Տաղաարների առաջին գիծը, որը սկսում է հենց թռչնավաճառների մօտից, հիմնականում հիստածեղէնի վերավաճառողներն են: Վերավաճառողները այն մարդիկ են - հիմնականում թռչակառու - ովքեր մասնաւոր կամ պետական հիստածեղէնի հիմնարկներից, որոշ տոկոսադրոյքով վերցնում են

կտորեղէն, ներքնագգեստներ, մանկական հագուստներ եւ վաճառում: Թէ՛ ապրանքի գինը, թէ՛ վճարուող տոկոսի չափը որոշում են ապրանքի տէրերը:

Երկրորդ շարքը, տաղաարների սկզբնական մասում համեմունքների վաճառքով է լցուած, դրան կից կան նաեւ տարբեր առարկաների, մանրավաճառային ապրանքներ: Երրորդ տաղաարների շարքը եւս ունի հիւստածեղէնի եւ մանրավաճառային ապրանքներ: Այս բազարի վերջին հատուածում երկաթագործ վարպետի արհեստանոցն է, իսկ արհեստանոցի դիմաց շարուած են վառարաններ, խողովակներ եւ այլ ցուցադրանմուշներ, որոնք եւս վաճառքի են հանուած: Այստեղից արդէն սկսում է Գիմրու շուկայի երկրորդ հատուածը՝ Անգարը:

Անգարը մեծ ամբարային տարածք է, նախկին խորհրդային պահեստ յիշեցնող շինութեամբ, որն այսօր վերածուել է փակ շուկայի եւ յարակից տարածքի: Այստեղ հիմնականում պտուղ-բանջարեղէնի վաճառք է իրականացում: Անգարի փակ շուկան սակաւամարդ է. այստեղ շատ քիչ թուով առետրականներ կան: Հարցումներից պարզ դարձաւ, որ նրանք ներսում կանգնելու համար օրական 500 դրամ են վճարում, իսկ որոշ մարդիկ, որոնց վաճառողները լաւ էին ճանաչում, գալիս եւ հաւաքում են այդ 500 դրամները: Այստեղ առետրով գրադուող իւրաքանչիւրն ունէր իր յատուկ, մնայուն տեղը, որպէսզի իրենց ճանաչող յաճախորդները շփոթմունքի մեջ չընկնեն. իրենք չեն փոխում իրենց տեղերը:

Անգարի բացօթեայ տարածքում եւս պտուղ-բանջարեղէնի վաճառք է իրականացում: Այստեղ բեռնատար եւ մարդատար մեքենաներով ՀՀ Արմաիր, Մասիս, Արտաշատ են. քաղաքներից բերում է մեծաթիւ բանջարեղէն եւ միրգ ու հանում վաճառքի: Այս վաճառողների համար դրսում առաւել յարմար է, քանի որ մեքենաների միջից էլ հենց իրականացում է վաճառքը: Սա յարմար է այն տեսանկիւնից, որ փակ շուկայում ամէն երեկոյ պէտք է ապրանքը հաւաքել եւ միայն յաջորդ օրը նորից հանել վաճառքի, իսկ մեքենաների մէջ առաւել հեշտ է այդ առումով հաւաքելու կարիք չի լինում: Այստեղ եւս կայ տեղի վճար:

Անգարի դիմացում է գտնում է Տօնավաճառ Լիաննան: Հայկական միջավայրում յետխորհրդային տարիների նոր ընկալումներից մէկն է հագուստեղէնի վաճառքի կէտերին անուանել տօնավաճառ: Այսպիսին են Երեւանի Ռոսիա Տօնավաճառը - որտեղ բացառապէս հագուստի վաճառքն է զարգացած - Մալաթիա Տօնավաճառը, որը եւս մեծամասամբ հագուստի վաճառքի կէտ է համարում: Անգարի դիմաց գտնուող Լիաննա Տօնավաճառը նոյն ընկալումն ունի: Սա երկարկանի շէնք է, որը 2000ականներին է կառուցուել եւ վերջերս վերանորոգուել: Այստեղ առանձին սենեակներ են յառաջացած, որտեղ հիմնականում

վաճառում է կոշեղեն եւ հագուստ: Երկու մուտքերի առաջին սրահներում վաճառում է զարդեղեն: Այստեղ առետրականների մի մասը վերավաճառողներ են, որոնք օրը երկու կամ երեք հազար դրամ աշխատավարձով վաճառում են ապրանքատիրոջ ապրանքը: Այս ծառայությունից օգտում են հիմնականում այն առետրականները, ովքեր միջանի տեղ են ապրանք հանում վաճառքի կամ ունեն նաեւ խանութ:

Անգարի ու բազարի մէջտեղում գոյացած միջանցքը գիւմրեցիները անուանում են Լաշինի միջանցք: Բանն այն է, որ այդ շուկայի յարակից փողոցում, որն իր նեղիկ լինելու պատճառով գիւմրեցիների կողմից ստացել է «Լաշինի Միջանցք»¹⁰ անուանումը, նոյնպէս մի հսկայ շուկայ է, ուր առետրականները տեղի համար չնայած մուծում են կրկնակի անել վարձավճար՝ 2500-3000 դրամ, քան այդ շուկայում՝ Անգարում (ծածկած շուկայում), սակայն այն առաւել մարդաշատ վայր է: Այստեղ վաճառող ապրանքներն են գիւմրեցիները, տնտեսական պարագաներ, հանդիպում են նաեւ հագուստի վրանային խանութներ: Բազարից դէպի Լաշինի Միջանցք մուտքի մօտ կանգնում են փող փոխողները՝ «վալիսի գործ էտողները»: Լաշինի միջանցքը ձգւում է մօտ 500 մետր: Նախատօնական օրերին, այն առաւել մարդաշատ է լինում, քան շուկայի վերոնշեալ մնացեալ հատուածները:

Բացի բազարային առետրից Գիւմրիում լայն տարածում ունեն մեծ ու միջին խանութները, որոնք հանրախանութի ընկալում ունեն: Անուանումներում եւս նշում է սոյն խանութների սուպերմարկէտ լինելը: Ինչպէս աստօկայանի յարող տարածքում, այնպէս էլ քաղաքի տարբեր վայրերում կան այդպիսի հանրախանութներ: Քաղաքային բնակչութիւնը բոլորի մասին յստակ տեղեկութիւն ունի: Յետխորհրդային Հայաստանում սուպերմարկէտային առետրի մշակոյթը լայն տարածում գտաւ:

Սուպերմարկէտային մշակոյթում կան նաեւ տեղական առանձնայատկութիւններ: Սուպերմարկէտներում վաճառողուհիների քանակը մեծ է, ամէն բաժին ունի մէկ-երկու աշխատակից, ովքեր հանդիսանում են սպասարկող-խորհրդատուներ: Սուպերմարկէտային առետրի կարեւոր բաղադրիչներից է իրերի, ապրանքների պիտակատրումը, որոնց վրայ մանրամասն ներկայացուած է ապրանքի բաղադրութիւնը, արժէքը եւ արտադրման տարեթիւը: Սակայն հարցուած սուպերմարկէտի աշխատակիցները նշում էին, որ իրենք հիմնականում խորհրդատուութիւն են ապահովում յաճախողների համար: Սա առաւել բազարային առետրուր յիշեցնող երեսոյթ է, երբ յաճախորդը մանրամասն տեղեկութիւն է փորձում ստանալ գնողը ապրանքի վերաբերեալ:

Բացի սուպերմարկետներից, շուկայից, բազարից Գիւմրում մեծ թիւ են կազմում շուկայից դէպի քաղաքային հրապարակ ձգուող քարաշէն խանութները, որոնց անուանումները հիմնականում հանդիսանում են կամ ապրանքի տեղի ցուցիչ կամ էլ տուեալ խանութպանի ընտանիքի անդամների կամ հենց իր անունով են լինում: Դրանց օրինակներից են «Փարիզ», «Դուբայ» են. անուանումներով խանութները, որոնց անունները պայմանաւորում են ապրանքի ներածման վայրով: «СССР» անուանումով խանութի գլխատըր վերակացուն մեկնաբանեց, որ խանութը այսպէս է անուանուել, քանի որ «սովետի ժամանակ ապրանքը ջրի գին ուներ, մարդիկ ամէն ինչ ունէին»: Սա բնորոշ է հենց այդ խանութին, քանի որ իրենց խանութում ամէն ինչ վաճառում է շատ մատչելի գներով: Որոշ խանութներ էլ որոշակի տեսականի ունէին: Օրինակ «Օժիտ» խանութում վաճառում էին միայն ամուսնական պարագաներ եւ յաճախորդներին ուղղորդելու համար էլ հենց խանութը անուանել էին այդպէս:

Անդրադառնալով Գիւմրու ժամանակակից առետրականներին, կարելի է նշել որ նրանք իրենց չեն ընկալում որպէս առետրականներ: 30 մանր ու միջին առետրով զբաղուողների եւ 8-10 սուպերմարկետների, խանութների աշխատակիցները հարցման սկզբում որպէս մասնագիտութիւն նշում էին ոչ թէ առետրական կամ զբաղաւածութիւնը որպէս առետրոր, այլ այն առաջնային մասնագիտութիւնը, որով կրթութիւն են ստացել: Հիմնականում առետրական եզրոյթը բացասական ընկալումներ ունէր կամ մեծ առետրով զբաղուելու ընկալում ունէր: Բացասական ընկալման օրինակներից կարելի է համարել այն, որ առետրական եզրոյթը հայկական իրականութեան մէջ դեռեւս ունի խորիրոգային շրջանից պահպանուած *սպեկուլեանտի*¹¹, խաբեբայի ընկալում:

Հետաքրքիր է, սակայն, որ հայկական միջնադարեան հեղինակներից Մխիթար Գօշը ունեցել է մի շարք կէտեր, որոնցով արգելքներ էր դրում առետրականների այս կամ այն ոչ-ընդունելի արարքների վրայ¹²:

ԵԶՐԱԿԱՏՈՒԹԻՒՆ

Գիւմրին չնայած քաղաքաշինութեան եւ բնակչութեան թաղաքանակով ու միգուցէ մշակութային բազմազանութեամբ քաղաքային բնակավայր է, սակայն ժամանակակից քաղաքային բնակավայրին բնորոշ առետրական յարաբերութիւններ հիմնականում չունի: Քաղաքային առետրուրը ձեւաւորուել ու շարունակում է զարգանալ բացառապէս բազարային տիպով, հասարակական յարաբերութիւնները խստիւ կապուած են առետրական գործընթացների հետ՝ տնտեսական

գործընթացներում աշխատում են ինքնաբուխ, ընկերա-բարեկաման գործօնները եւ խորհրդային շրջանից մնացած առեւտրականի վերաբերեալ բացասական երանգաւորումների կրողն է նոյնիսկ այսօրուայ գիւմրեցի առեւտրականը եւ առաւել յաճախ խուսափում է առեւտրական մասնագիտացման բնորոշումից: Սա նաեւ խօսում է սոյն մասնագիտութեան կրողների հասարակական խմբի չձեւաւորումութեան մասին: Փաստօրէն ժամանակի եւ փորձառութեան ընթացքում սոյն կայացած առեւտրականները մասնագիտական խմբաւորումներ այդպէս էլ չեն ստեղծում, որը առկայ էր տուեալ մասնագիտացման առաւել վաղ՝ 18-19րդ դարերի ընթացքում: Ունենալով կայացած առեւտրի միջանի գօտիներ՝ այս առեւտրականները շարունակում են իրենց մասնագիտութիւնը կոչել ժամանակաւոր զբաղմունք, որը եւ վերագրում են յետխորհրդային անցումային շրջանի աշխատանքային շուկայի բացակայութեանը իրենց նեղ մասնագիտութեան շրջանակներում աշխատանք չգտնելու հանգամանքին:

ԾԱՆՕԹԱԳՐՈՒԹԻՒՆՆԵՐ

- ¹ Գիւմրի (մինչեւ 1837՝ Գիւմրի, 1837-1924՝ Ալեքսանդրապոլ, 1924-91՝ Լեյնինական), բնակչութեան քանակով ու մշակութային նշանակութեամբ Հայաստանի Հանրապետութեան երկրորդ քաղաքն է, գտնւում է հիւսիս-արեւմտեան մասում՝ Շիրակի մարզում, Ախուրեան գետի ձախ ափին, Երեւանից 126 կմ. հեռավորութեան վրայ: Տարածքը՝ 3626 հա, 2012ի դրութեամբ ունեցել է 145,9 հազար բնակիչ, ծովի մակերեսէն բարձր է աւելի քան 1500 մետր: Քաղաքի կարգավիճակ ունի 1840ից: http://shirak.mta.am/u_files/gyumri.pdf 13/09/2015:
- ² Բացօթեայ շուկայի հասկացութիւնը առաւել տարածուած է «քաղաք» եզրոյթով:
- ³ M. Weber, *Economy and Society, volume I*, University of California press, Berkley 1963, էջ 653-659:
- ⁴ Haygo Shroeder, *Ekonomicheskaya Antropologia* (Տնտեսագիտական մարդաբանութիւն), Սանկտ Պետերբուրգ, 1999, էջ 98-101:
- ⁵ Mauss M. Company, *Exchange Personality Proceedings in Social Anthropology, Msnulnaa*, 1996, էջ 287-294:
- ⁶ Գրիգոր Աղանեան, «Ալեքսանդրապոլի Էսնաֆութիւնները XIX դարում, (Համըարական Ծիսակարգ)», <http://shirak.asj-oa.am/382/1/49-54.pdf> 13/09/2015:
- ⁷ Գրիգոր Աղանեան, «Ալեքսանդրապոլի Քաղաքային Տնտեսութեան Զարգացման Հիմնական Միտումները (XIX դարավերջ-XX դարակիզք)», <http://shirak.asj-oa.am/285/1/77-84.pdf> 13/09/2015:
- ⁸ Սարգարապատի հերոսամարտի յուշահամալիր, Հայոց Ազգագրութեան եւ Ազատագրական Պայքարի Պատմութեան Ազգային Թանգարան:

- ⁹ Քաղաքը գտնում է միջհանրապետական մայրուղու վրայ եւ անելի յաճախ առետրական-վաճառողները իրենց ցուցադրուող-վաճառուող ապրանքները առանելապէս ցուցադրելու են հանում հենց այդ ճանապարհով անցնող սպառողների համար:
- ¹⁰ Լաշինը բնակավայր է, որը գտնում է Հայաստանի Հանրապետութեան եւ Լեռնային Ղարաբաղի Հանրապետութեան միջեւ (<http://www.oneworld.am/photojournalism/lachin/>):
- ¹¹ Լատ. Specio - հայեացք բառից է գալիս, խորհրդային շրջանում ապրանքի ինքնարժեքի կեղծարարը եւ այդ կեղծումով գումար աշխատողներին անուանում էին սպեկուլեանտ: Տուեալ արարքը պատժելի էր խորհրդային երկրում, որը եւ առաջ էր բերել հասարակական քացասական վերաբերմունքը տուեալ վիճակի հանդէպ: Յետագայում սպեկուլեանտ անուանումը քացի կեղծարարութիւնից նաեւ պատեհապաշտ մարդկանց էլ էր կցում:
- ¹² Մխիթար Գօշ, «Ցաղագս Վաճառողաց եւ Գնողաց երկիր», *Գիրք Դարաստարակի*, Հտր. Ա., աշխ. Խոսրով Թորոսեան, Երեւան, Հայկ ՍՍՀ ԳԱ Հրատ., 1975, էջ 68-69. նաեւ՝ <http://www.digilib.am/book/277/282/5146/%D4%B3%D5%AB%D6%80%D6%84%20%D4%B4%D5%A1%D5%BF%D5%A1%D5%BD%D5%BF%D5%A1%D5%B6%D5%AB,%20%D4%B1%20%D5%AD%D5%B4%D5%A2> 18/07.2016:

URBAN TRADE IN THE CITY OF GUMRI: TRADITION AND MODERNITY
(Summary)

KHOREN GRIGORIAN
XORENBASK86@GMAIL.COM

By observing the image of the trader in Gumri, its bazaars and supermarkets, the author tries to make sense of the city's urban trade and analyse the trade culture of contemporary Gumri.

The author argues that trade culture is not a mere perception of the economy; it is also a unique bearer of traditional and modern culture. This is explicit in the case of Gumri, the second largest city in the Republic of Armenia and a city that provides a typical reflection of the past reality of Turkish and Iranian empires. Gumri is a town where modern culture is mixed with trade traditions that came from the Eastern part of Anatolia (Western Armenia, from Kars, Karin-Erzrum). These traditions largely disappeared during Soviet rule but started to resurface after the collapse of the Soviet Union.